



Қонунчилик ва ҳуқуқ-тартибот учун!

ПОСТДА

ГАЗЕТА 1930 ЙИЛ 12 МАЙДАН ЧИҚА БОШЛАГАН • Ўзбекистон Республикаси ИИБ нашри • 2003 йил 9 январь, пайшанба • 2 (3478)-сон

БАЙРАМИНГИЗ МУБОРАК БЎЛСИН!

Ички кўшинлар Бош бошқармаси ва ҳарбий қисмларида хизмат қилаётган барча зобит ва аскарлар, ёш ходимларни тарбиялашда, уларга касб сирларини ўргатишда ўз билим ва тажрибаси, куч-ғайратини аямай, фидойилик кўрсатаётган ҳарбий хизматчиларимизни 10 январь – Ички кўшинлар ташкил этилган кун билан муборакбод этаман.

Республикамиз сарҳадлари, унинг яхлитлигини қўриқлаш, тинчлик-осойишталикни, фуқаролар ва жамоат хавфсизлигини таъминлаш вазифаларини шараф билан бажараётган, Ватанимизнинг асл фарзандларига мустаҳкам соғлиқ, узоқ умр, оилавий бахт, ҳамиша зафарли дамлар ҳамроҳ бўлишини тилайман.

Ички ишлар идораларининг барча ходимлари, Ички ва Қоровул кўшинларининг зобит ва аскарлари, таълим муассасалари ўқитувчи-профессорлари, тингловчи ва курсантлари, ички ишлар идоралари фахрийларини 14 январь – Ватан ҳимоячилари куни билан санимий муборакбод этаман.

Ушбу айём муносабати билан жонажон Ватанимизга чексиз муҳаббат билан хизмат қилаётган барча сафдошларимизга ва уларнинг оила аъзоларига мустаҳкам соғлиқ, тинчлик-хотиржамлик, бахт-саодат тилайман. Юртимизда тинчлик ва осойишталик доимо барқарор бўлсин.

Давлатимиз суверенитети ва ҳудудий яхлитлиги, эл-юрт тинчлиги, осойишталигини таъминлашдаги фидокорона хизматларингиз учун ўз миннатдорчилигимни билдираман.

З. АЛМАТОВ,
Ўзбекистон Республикаси
Ички ишлар вазири,
ички хизмат генерал-полковниги.

Обуна-2003

НАШРЛАРИМИЗ ЯҚИН ҲАМРОҲИНГИЗ


Бугунги кунда ҳақли равишда «тўртинчи ҳокимият» дея эътироф этилаётган газеталар фуқароларимизга маънавий озиқа бериш билан бирга, уларнинг қувончу ташвишларига шерик бўлиб, муаммоларини ҳал этмоқда. Республикамизда 2003 йилнинг январь ойи учун обуна мавсуми ниҳоясига етди. Хўш, бу борада ИИБ Бирлашган таҳририяти нашрлари – «Постда» ва «На посту» газеталарига обуна бўлишининг аҳволи қандай?

Авалло шуни айтиш учун бу йилги обуна олдингиларидан бир оз фарқ қилди. Тошкент вилояти ва пойтахтдан ташқари барча вилоятларда ички ишлар ходимлари газетамизга «Матбуот тарқатувчи» акциядорлик жамияти ҳамда алоқа бўлимлари орқали ёзилдилар. Шунга қарамай Ички ишлар вазирлиги тизимидаги ислохотлар, рўй бераётган ўзгаришлар, янгилик ва воқеалардан шахсий таркибни ўз вақтида хабардор қилиб боришни бурчи деб билган кўплаб бошқармаларнинг раҳбарлари мавсум бошиданок ушбу масъулиятли вазифага жиддий киришдилар. Шу ўринда Тошкент вилояти ИИБ раҳбарияти саъй-ҳаракатини алоҳида таъкидлаш зарур. Пойтахт вилояти ички ишлар идораларида хизмат қилаётган ходимлар 2003 йилдан 5000 дан ортиқ «Постда» ва «На посту» газеталарини ўқиш имкониятига эга бўлишди. Бу кўрсаткич Самарқанд вилоятида – 4275, Фарғона вилоятида – 3799, Қашқадарё вилоятида – 3610, Хоразм вилоятида 2274 тани ташкил этди. Қорақалпоғистон Республикасига эса «На посту» газетаси бошқа вилоятларга қараганда энг кўп миқдорда (1122 та) бормоқда. Тошкент шаҳри бўйича М. Улуғ-

бек, Шайхонтохур, Чилонзор, Сирғали ва С. Раҳимов туманлари ички ишлар идораларида яхши натижалар қайд этилди. Булар қувончли, албатта. Аммо обуна мавсумини уюшқоқлик билан ўтказишга имконият даражасида эътибор бермаган ички ишлар идоралари ҳам бор. Бошқалар ҳам мавсумни юқори даражада ўтказган жамоалардан ўрناق олишса нур устига нур бўларди. Февраль ойдан муайян ўзгаришлар сезилади, деган умиддамиз. Кейинги пайтда фуқароларимиз ҳаётининг барча жабҳаларида янгиликлар рўй бермоқда. Юртимизда тинчлик, осойишталик ҳукм сурапти. Обод маҳалла йилида турмушимиз янада фаровон бўлишига шубҳа йўқ. Аҳоли ва турли соҳаларда меҳнат қилаётган ходимларни мамлакатда кечаётган ана шу жараёнлар билан таништиришда кундалик нашрларнинг тутган ўрни беқиёсдир. Ички ишлар идоралари раҳбарлари буни чуқур ҳис этган ҳолда шахсий таркибнинг маънавий оламини бойитишга жиддий ёндошишлари лозим. Токи нашрларимиз ҳар бир милиция ходимининг доимий ҳамроҳи бўлиб қолсин! 2003 йилнинг бошқа ойлари учун обуна давом этмоқда.

ТАҲРИРИЯТ.

14 ЯНВАРЬ — ВАТАН ҲИМОЯЧИЛАРИ КУНИ



УЧИНЧИ «Постда» gazetasing ilovasi

TANIQLI KISHILAR BILAN UCHRASHUV, HAJVIYA, XANDALAR, KROSSVORD, SKANVORD, MUNAJJIMLAR BASHORATI, HAYRATOMUZ VOQEALAR, SPORT YANGILIKLARI, INTERNET XABARLARI

TV LAM

Долзарб мавзу

Терроризм – асримизнинг энг муҳим ижтимоий-сиёсий воқеаларидан бири ҳисобланади. У ўз моҳиятига кўра жинорий ҳодиса бўлганлиги сабабли жаҳон мамлакатлари жиноят кодексларида унга нисбатан тегишли таъриф берилган.

Бугун терроризм хавфи халқаро муаммолардан бирига айланди. Унга қарши кураш халқаро ҳамжамиятнинг энг долзарб вазифаларидан бири бўлиб қолди. Сиёсий тизими, ижтимоий тузилиши, маданияти фарқлари қарамай жаҳоннинг барча халқлари умуминсоний хавфга қарши бирлашиб курашмоқдалар. Бунинг ёрқин мисоли жаҳон ҳамжамиятининг Афғонистондаги Талибонлар ҳаракатига қарши олиб борган кураши ҳисобланади.

Мустақил Ўзбекистон халқи, Президентимиз И. Каримов халқаро терроризмга қарши курашда жаҳондаги етакчилардан бирига айланди. Юртбошимиз бир қанча халқаро минбарлардан туриб терроризмни молиявий манбалари, базалари, қурол-яроғ келтириш, гиёҳвандлик моддаларини тарқатиш йўлларида маҳрум қилиш учун **“Террорчиликка қарши кураш бўйича Халқаро Марказ”** тузишни таклиф қилган эди. Бироқ жаҳоннинг нуфузли ташкилотлари бунга ўз вақтида етарли эътибор беришмади. Агар бундай марказ ўз вақтида ташкил этилиб, дунё ҳамжамияти бирлашиб, терроризмга қарши сиёсий, дипломатик, молиявий, иқтисодий, гуманитар, ҳарбий чораларни халқаро ҳуқуқ доирасида ишга солганида, балки, 2001 йил 11 сентябрда АҚШнинг Вашингтон ва Нью-Йорк шаҳарларида оламни ларзага солган машъум фожиа содир этилмаган бўлармиди?

Ўзбекистон жаҳон ҳамжамиятининг халқаро терроризмга қарши Аксилтеррор коалициясида дунёнинг етакчи давлатлари билан бирга фаол иштирок этди. Натижада Афғонистондаги халқаро терроризмнинг ашаддий кўрдинишларидан бири бўлган Ал-Қоид ва Талибон ҳаракатлари тор-мор қилинди. Бироқ Аксилтеррор коалицияси ушбу жаҳон ташкилотлар ва уларга бирлашиб кетган **“Ўзбекистон ислом ҳаракати”**нинг парчаланган

гурuhlарига қарши Афғонистоннинг Покистон билан чегарадош бўлган Тора-Бора, Гардез ва Кандаҳор худудларида ҳарбий ҳаракатларни давом эттирмоқда. Айрим жангарилар Покистон ва бошқа худудларга яши-


ручун халқаро терроризм тарафдорлари жуда катта молиявий имкониятга эга. Президентимиз терроризмнинг молиявий манбаи – қурол-яроғ сотиш ва нарқобизнес, деб уқтираётганлари бежиз эмас, албатта. БМТ экспертлари берган маълумотга кўра, Афғонистондаги яширин омборларда тўпланган героин захираси 300 тоннадан ошади. Энди ўзингиз ҳисоблаб кўринг – бу терроризм тарафдорлари учун қанча фойда келтириши мумкин. Кейинги 10 йил давомида мамла-

бўлмиш Интернетда 8 та сайти борлиги аниқланган. Жуда ҳам катта сармомиянинг эгаси бўлмиш бу шахс жаҳоннинг кўзга кўринган олимлари, иқтидорли кишиларидан ўзининг жирканч мақсадларини амалга ошириш йўлида фойдаланиш имкониятига эга.

У ҳатто **“Ўзбекистон ислом ҳаракати”** етакчилари Жума Ҳожиёв (**“Намангоний”**), Тоҳир Йўлдош кабиларни молиявий жиҳатдан қўллаб-қувватлагани ҳаммага маълум бўлса керак. Бунинг сабаби нимада де-

муайян мафкура – гоё ётади. Терроризм уни амалга оширишнинг бир воситаси, холос. Бизнингча даставвал ана шу гоёга, эътиқодга, мафкурага қақшатқич

зарба бериш лозим. Давлатимиз раҳбарининг терроризм ва диний экстремизм хавфи ҳақида тўхталиб, гоёга қарши фақат гоё билан курашиш лозимлигини кўп бор



ёшларнинг дунёқарашини шакллантиришга эътиборни доимо кучайтириш зарурлигини уқтирган эдилар.


Терроризм хавфини йўқотиш Ўзбекистон тараққиёти учун қандай иқтисодий натижалар бериши мумкинлиги хусусида ҳам тўхталсак. 2002 йил июнь ойида Тошкентда кучли сиёсатчилар, давлат раҳбарлари иштирокида бўлиб ўтган учрашувда ана шу хусусда бир қатор фикрлар илгари сурилди. Масалан, Ўзбекистон Республикаси Ташқи ишлар вазирининг биринчи ўринбосари Солиқ Сафоевнинг таъкидлашича, Ўзбекистон учун энг наздик масала мамлакатни транспорт коммуникацияси нуқтаи назаридан денгизга чиқишининг чекланганлигидир. Биз энг яқин денгиз портига чиқишимиз учун 3 минг км йўлни босиб ўтишимиз керак. Таъкидлаш жоизки, энг қисқа йўл жануб йўналишидир. Афғонистон мана шу йўналишда жойлашганлиги сабабли Ҳинд океанига чиқиш қийинлашган эди. Афғонистонда терроризм хавфи камайиши Ўзбекистонга ушбу мамлакат орқали Ҳинд океанига чиқиш имкониятини яратади. Бу Транскавказ магистралидан кўра бир неча марта яқин ва арзондир. Яъни, Поти портигача транспорт орқали икки ҳафта сарflanса, Карачи портига фақат 17 соат вақт кетади.

Терроризм хавфининг йўқолиши Ўзбекистоннинг жаҳон бозорига чиқиши учун кенг имкониятлар яратиб, мамлакатимизга катта иқтисодий фойда келтиради. Масалан, Транскавказ магистрал орқали Ўзбекистондан олиб чиқилаётган товарларга сарflanади-ган йўл харажатлари 60 фоизга камаяди. Энг муҳими, терроризм хавфининг йўқолиши Ўзбекистонда ҳуқуқий-демократик давлат ва фуқаролик жамиятини шакллантиришни тезлаштиради. Шу боис терроризм хавфига қарши курашиш, унинг олдини олиш ички ишлар идоралари олдида турган долзарб вазифа бўлиб қоляпти.

Терроризмни ҳақли равишда асримизнинг вабоси дейиш мумкин. Жаҳоннинг турли бурчакларида содир бўлаётган террористик ҳатти-ҳаракатлар шундан далолат бермоқда. Бу вабога қарши курашиш ҳар бир фуқаронинг шарафли вазифасига айланмоғи лозим.

Маҳмадвали ИСМОИЛОВ,
Ўзбекистон Республикаси
НИВ ЖҚ ва ТҚКББ бўлим
бошлиғи, милиция
подполковниги.

ТЕРРОРИЗМ



ХМД аер вабоси

ринишга уринмоқда. Шуларни эътиборга олиб терроризм хавфи минтақавий ва жаҳон миқёсида бартараф этилди, десак хато бўлади.

Гарчи терроризмга қарши Афғонистонда ва жаҳоннинг бошқа ерларида қақшатқич зарба берилган бўлса-да, унинг молиявий ва мафкуравий илдизлари ҳануз бакуватдир. Масалан, Ал-Қоидда террористик жангари ташкилоти ва унинг етакчиси Усома бин Лоден ҳануз тутқич бермай юрибди. Жаҳон махсус хизмат экспертларининг фикрича, халқаро терроризм оммавий қирғин қуролларини ҳам қўлга киритиш пайида. Бунинг

катимиз чегаралари орқали ўтказишга уринилган 300 тоннадан ортиқ гиёҳвандлик моддаси ушланиб қолинганлиги ҳам бу фикрларнинг исботидир.

Терроризмга қарши самарали курашиш учун уни келтириб чиқарувчи сабабларни ва шарт-шароитларни ўрганиш лозим бўлади. Минг афсуски, биз кўпинча ҳодисанинг сабаби эмас, унинг оқибати билан курашамиз. Бу соҳада илмий усулларни қўлламасдан туриб бирон-бир самарга эришиш мушкуллиги аён бўлмоқда.

Халқаро терроризм кўпчилик ўйлаганидек, фақат қуроллар ва воситалардан фойдаланади, дейиш соддалик бўлар эди. Тадқиқотлар шуни кўрсатяптики, улар ўз мақсадларини амалга оширишда замонавий технологиялар, телекоммуникациялар, илм, фан ва техника ютуқларидан ҳам унумли фойдаланмоқда. Биргина мисол. Жаҳондаги биринчи рақамли террорчи деб тан олинган Усома бин Лоденнинг ихтиёрида қатор илмий-тадқиқот лабораториялар, йўлдош (спутник) алоқалари, халқаро маълумотлар воситаси

ган савол туғилиши табиий. **“Ўзбекистон ислом ҳаракати”** террорчилик ташкилотининг мақсади мамлакатимизда конституцион тузумни ағдариб, Халифалик Ислам давлати қуриш бўлган. Айни вақтда 50 га яқин давлатни террорчилик хуружи билан қўрқитиб, бутун араб ва Марказий Осиё давлатлари худудида Халифалик тузиш ниятида бўлган Усома бин Лоденга бу жуда қўл келган бўлиши табиий.

Энди икки оғиз сўз терроризмнинг ички анатомияси ва физиологияси хусусида. Кўпчилик уни юзаки тушунишади. Терроризм – жуда тағдор ҳодиса бўлиб, замирида

уқтирганлари фикримиз исботидир.

Тергов идоралари томонидан бир қатор ваҳхобий, хизбут-тахрир диний-экстремистик оқимлари аъзолари устидан олиб борилган тергов ишлари ҳам шундан далолат бердики, уларни ўзлари кириб қолган нотўғри йўлдан қайтариш учун озодликдан маҳрум этиш етарли эмас экан. Республика Ички ишлар вазири, ички хизмат генерал полковниги Зокиржон Алматов бир гуруҳ маҳалла фаоллари ва профилактика инспекторлари билан бўлган мулоқотда айнан инсон эътиқодига, айниқса



Тиберийдан аввал Буюк Рим империясини бошқарган Октавиан Август ўлим тўшагида ётганда мажолсиз лаблари билан: "Шўрлик Рим халқи! Кунинг қандай имиллаган қонхўрга қолди!" дея пичирлаган эди. Ҳақиқатан, Клавдий Нерон Тиберий ўз ваҳшийликларини аста-секин бошлади, авж олдириди.

У ичишни хуш кўрарди. Дўстлари ҳазиллашиб императорга "Бибереим" (лотинчада "майхўр" деган маънони англатади) деб ном қўйишган эди. Аммо ўшанда ҳеч ким ҳукмдорнинг бу одати бора-бора бировларни азоблашдан роҳатланишга айланади, деб ўйламаганди. Римлик тарихчи Светонийнинг гувоҳлик беришича, у эркакларни атайлаб ичириб маст қилиб, жинсий аъзосини чилвир билан боғлаб қўярдик. Натижада улар захри танг қилганда азобли оғриқдан хушларини йўқотишаркан.

Тиберий ўзидан олдинги император даврида иккиюзламачиликка ўрганиб қолганди. Клавдийнинг онаси Ливия ўз эри бўлган императорга нисбатан таъсирини сақлаш учун унга ёш қизларни топиб беришининг гувоҳи бўлган.

Қонуний меросхўрлар бирин-кетин турли тасодифлар туфайли оламдан ўтишарди. Бу-

ҚОНХЎР ҲУКМДОР

нинг ортида ҳам Ливия турарди. У севимли ўғли учун тахт сари йўл очарди. Аммо ҳокимиятга эришгач, Тиберий онасининг сиёсий даъволарини кўриб, уни ҳар қандай йўл билан четлатиш тараддудини кўрди. У ҳатто туққан онасини қатл этишга ҳам тайёр эди. Сабаби, император волидасининг "Мен сени тахтга ўтказдим" деган таъна-сидан безор бўлганди. Шу боис онаси билан умуман учрашмай қўйди.

Ливия ғамдан адо бўлиб касалликка чалинди. Шўрлик аёл ҳолидан хабар олишини ялиниб-ёлвориб сўраса ҳам, бағритош ўғил бу оху нолаларга парво қилмади. Тиберий ҳатто фарзандини жонидан ортиқ суйган онасининг дафн маросимига ҳам келмади.

Тиберий тахтни эгаллаши билан қилган биринчи иши айғоқчилар сонини кўпайтириш бўлди. Улар император ҳақида ким ножўя сўзлар айтгани бўйича маълумот тўплашарди. Шу асосда қанча-

лаб одамлар турли-туман қийноқларга солиниб, уларнинг мол-мулки хазинага кириб қилинди. Тиберийнинг буйруғига кўра махсус жиҳозланган ер ости зиндонда Августнинг невараси изсиз йўқолди. Шундай қилиндики, у гўё туғилмаган эди. Бошқа бир тахт вориси - Друз Цезарни эса очдан ўлдиришди. Император очликдан қийналган Друз ичига похол тиқилган тўшагини қандай ғажигини томоша қилиб лаззатланарди.

Ороллардан биридаги зиндонда Юлий Цезарнинг жияни сақланарди. Тиберий бу ўсмир ўз ажали билан ўлишини узоқ кутди. Лекин муроди ҳосил бўлавермагач, унинг олдида жаллодни жўнатди. Императорнинг топшириғига кўра жаллод маҳбусга сиртмоқ ва азоб бериш анжомларини кўрсатди. Бундан даҳшатга тушган йигитча ўз жонига қасд қилди. Тиберий жонажон жиянини ҳам захарлаб ўлдирган эди.

Августнинг бутун авлоди қириб бўлинди, ҳисоб. Барибир, императорнинг шубҳаси босилмас, кўнгли жойига тушмасди. У Римда ўзини бежавотир ҳис қилмай, Капри оролида бошқа қароргоҳ барпо эттирди. Бу ерда кўз кўриб, қулоқ эшитмаган маиший бузуқчиликка берилди. Ўзи қодир бўлмаган наҳс ишларни бошқалар бажаришар, у томоша қилиб роҳат оларди.

Император ҳақидаги арзимас гап ҳам кишиларнинг қийноқларга солиниши, қатл қилинишига сабаб бўларди. Бунинг учун ҳеч қандай далил-исбот талаб қилинмасди, айғоқчиларнинг маълумоти етарли эди. Гарчи Рим республикасида Гай Гракх (эрамиздан аввалги II аср) маслаҳатчилар суди жорий этган бўлса-да, Тиберий суд вазифасини ҳам ўз зиммасига олди. Натижада ҳокимиятда бошбошдоқлик, ҳар қандай ҳуқуқ топталишлари

авжига чикди. Дейлик, киши ҳожатхонага ёки исловатхонага император тасвири зарб этилган узук тақиб кирса, зиндонга ташланарди.

Тиберий Каприни тарк этмасди. Унинг номидан Римда ҳокимиятни префектлар бошқаришарди. Улар ҳам ҳукмдор каби шафқатсиз эдилар. Энг ном чиқарган "жидиришчилар"ни император хузурига олиб келишарди. У энди шунчаки қатл этишдан лаззат топмасди. Бунинг учун турли-туман қатл усулларини ўйлаб топарди.


Айниқса, кишини ўз жонига қасд этишгача олиб бориш унга хуш



Юлий Цезарь

ёқарди. Масалан, асранди ўғли Германикнинг хотинига зиёфат чоғида олма узатиб, мева захарланганлигига шаъма қилди. Шоҳ тухфасини рад этиш ўлим билан баробар эди. Шунга қарамай аёл олмани ейишдан бош тортди. Шу кундан эътиборан шўрлик кўрқув исканжасида яшади. Охири руҳий азобларга дош беролмай очликдан ўлишга қарор қилди.

Аммо бундай "оддий ўлим" Тиберийни қаноатлантирмасди. Унинг буйруғига кўра келинининг оғзини мажбурлаб очиб, овқат тиқиларди. Шунга қарамай аёлнинг ўз ажали билан ўлганлиги импера-



Қадимги Рим

торни ғазаблантириб юборди.

Қийноққа солиш хоналарини айланиб юриш ҳукмдорнинг севимли машғулотларидан бири эди. Бир маҳбуснинг тез ўлганини кўриб у: "Эссиз, яхшилаб томоша қилолмай қолдим", - деганди. Бошқа бир қийноққа солинаётган маҳбус: "Мени тезроқ ўлдира қолинглар!", - деб ялинганида, у кулиб: "Сабр қил, ўлим гуноҳларинг кечирилганини англатади. Мен эса ҳали сени кечирганим йўқ", - деган эди.

Қадимги Рим қонунига кўра бокира қизларни қатл этиш тақиқланарди. Шунинг учун император жаллодларга бундай қизларни аввал зўрлаб, сўнг ўлдиришни буюрарди. Тиберийнинг бирор куни қийнаш ва қатлларсиз ўтмасди. Турли қийноқлардан сўнг аксар маҳбуслар қоялардан пастга - денгизга улоқтириларди. Қирғоқда турган денгизчилар уларнинг ҳали жони чиқмаганларини ўлдиришарди. Таналари эса таниб бўлмас даражада қиймаланарди. Бу кекса император лаззат оладиган томошалардан бири эди.

Кунларнинг бирида Тиберий денгиз бўйида сайр этиб юрган эди. Кутилмаганда қаршисидан чиққан балиқчи уни кўрқитиб юборди. Сабаби, император ҳар қадамда ўзининг ваҳшиёна қилмишлари учун интиқом онлари келишидан ҳадиксираб юрарди. Балиқчи шошиб қолганидан ҳукмдорга қўлидан бор бўлган Энг қим-

матли матоҳи - ўзи тутган йирик балиқни тутқазди. Жазавага тушган Тиберий балиқ билан балиқчининг юзу кўзларига то у ҳушидан кетиб йиқилгунича урди. Император, ҳатто ўзига энг содиқ мулозимларига ҳам шафқат қилмасди. Тансоқчиси боғдаги тўтини ўғирлагани учун уни қатл қилдирган эди.

Тиберий ўлишни истамас, умрини узайтириш учун не-не ишларни қилмасди. У қартайган чоғлари кунини кун қўшади деб ишониб, ўн икки ёшли қизларнинг қони аралаштирилган сут ичарди. Аммо ўлим ҳақ, умр боқий бўлмайди. Бутун Рим империясини зир титратган ҳукмдор охири хасталикка таслим бўлиб, хушидан кетиб йиқилди. Атрофидаги сарой аъёнлари император ўлди деб ўйлаб, тахт вориси Гай Цезарь Калигулани ҳукмдор деб эълон қилишди. Шу пайт "марҳум" император ўзига келиб, ўрнидан турмоқчи бўлди. Аммо ҳеч ким унинг "тирилиши"ни истамади. Калигула перфект ёрдамида уни бўғиб ўлдирди.

Янги император маиший бузуқликда ҳам, айшу ишратда ҳам, зоримликда ҳам Тиберийдан ўтиб тушди. У бир гал: "Агар Рим халқининг биттагина боши бўлганда, уни сапчадай узиб ташлардим", - деганди.

Тарихнинг ана шундай аянчи саҳифаларини варақлар экансан, шу замонда, шу юртда туғилганинга шукроналар айтасан, киши.

«INTERПолиция»дан олинди.



Клавдий Нерон Тиберий

ЯҚШАНБА, 19

ЎзТВ - I

6.00 "Ассалом, Ўзбекистон!"
8.00-8.40 "Ахборот".
8.40 "Камалак". Болалар учун кинодастур.

10.45 Очил дастурхон.
11.15 Зинама-зина.
11.45 Болалар экранни. "Олти жаҳонгашта".

ЎзТВ - II

7.55 Кўрсатувлар дастури.
8.00 "Даур тонги".
9.00 "Янги авлод" студияси.

ЎзТВ - III

17.15 Кўрсатувлар тартиби.
17.20 "Эртақларнинг сеҳрли олами".

21.45 "Жаҳон географияси".
22.15 Кинонигоҳ. "Салом, мен холангизман".

ЎзТВ - IV

9.00 Кўрсатувлар тартиби.
9.05 "ТВ-4да мусика".
9.10 "Мультисеанс".

30-канал

9.05, 11.30, 17.45, 20.45 "Теле-хамкор".

ОРТ

7.00 Новости.
7.10 Приключенческий сериал "Флиппер".
7.55 Детский сериал "Твини-сы".

РТР

5.20 Л. Орлова и С. Столяров в фильме "Цирк".

МОСКВА. Неделя в городе.

9.15 "Утренняя почта".
9.50 "Городок". Дайджест.
10.20 Луи де Фюнес и Джеральдин Чаплин в фильме "На древо взгромоздясь".

НТВ

7.10 Детское утро на НТВ.
7.40 "ВКУСНЫЕ ИСТОРИИ".
8.00, 10.00, 11.00, 12.00, 13.00, 15.00, 16.00, 17.00, 18.00 "СЕГОДНЯ".

СТС

5.45 "МАЛЕНЬКИЕ ЭЙНШТЕЙНЫ". Телесериал для детей.

МУЛЬТСЕРИАЛ "МИСТЕР БЭМП"

10.00 Мультсериал "Ураганчики".
10.30 Мультсериал "Мэри-Кейт и Эшли - суперагенты".

ТВ 3

8.30 "Жизнь в слове".
9.00 Мультсериал "Рекс".

КИНО НА СТС. "ФЕНОМЕН"

23.30 Ток-шоу "Черно-белое".
0.30 Кино на СТС. "ИСПАНСКАЯ АКТРИСА ДЛЯ РУССКОГО МИНИСТРА".

REN TV

9.30 "Дикая планета". "Все о собаках", "Спасатели". Док. фильмы.
10.30 "Fox Kids": "Деннис-непоседа". Мультсериал.

ТВЦ

9.05 "Таинство Крещения". Телефильм.
9.35 "Отчего, почему?" Программа для детей.

ТНТ

7.00 Фантастический сериал "НА КРАЮ ВСЕЛЕННОЙ-3".
7.50 Комедия "СУМАСШЕДШИЕ НА СТАДИОНЕ".

14.45 Событие №2.

15.15 Журнал №2.
15.45 Сезон - зима.
16.30 Фантастический сериал "НА КРАЮ ВСЕЛЕННОЙ-3".

ТВЦ

9.05 "Таинство Крещения". Телефильм.
9.35 "Отчего, почему?" Программа для детей.

ТНТ

7.00 Фантастический сериал "НА КРАЮ ВСЕЛЕННОЙ-3".
7.50 Комедия "СУМАСШЕДШИЕ НА СТАДИОНЕ".

ТАБРИКЛАЙМИЗ!



Ўзбекистон Республикаси ИИБ Хорижга чиқши, келиш ва фуқаролик бошқармаси бошлигининг ўринбосари, милиция полковниги

Хоразм вилояти ИИБ ППХ ва ЖТСБ бўлинмаси сардори, милиция катта лейтенанти К. СОБИРОВНИ туғилган куни билан муборакбод этамиз.

Салоҳиддин Асомидинович МИРАҲМЕДОВНИ таваллуд топган куни муносабати билан чин қалбимиздан самимий табриклаймиз.

Ўзбекистон Республикаси ИИБ Ички қўшинлар бўлими офицери, катта лейтенант М а з р у ф КАРИМОВНИ туғилган куни билан самимий табриклаймиз.

Ўзбекистон Республикаси ИИБ Ички қўшинлар бўлими офицери, катта лейтенант М а з р у ф КАРИМОВНИ туғилган куни билан самимий табриклаймиз.

Навий вилояти ИИБ ҳузуридаги қўриқлаш бўлими бошлиғи, милиция подполковниги Мамасоли Раббимович УРАЛОВНИ таваллуд топган куни билан самимий муборакбод этиб, сиҳат-саломатлик, куч-қувват, узоқ умр, оилавий бахт тилаймиз.

Ўзбекистон Республикаси ИИБ ППХ ва ЖТСББ катта инспектори, милиция майори Б. ХУДАЙНАЗАРОВНИ туғилган куни билан муборакбод этамиз.

Сурхондарё вилояти ИИБ ҳўжалик бўлими ходими, милиция старшинаси Ҳамза Ҳамидович АЗИМОВНИ 10 январь таваллуд топган куни билан муборакбод этамиз.

Навий вилояти ИИБ раҳбарияти ва шахсий таркиби.

Ўзбекистон Республикаси ИИБ ППХ ва ЖТСББ катта инспектори, милиция майори Б. ХУДАЙНАЗАРОВНИ туғилган куни билан муборакбод этамиз.

Сурхондарё вилояти ИИБ ҳўжалик бўлими ходими, милиция старшинаси Ҳамза Ҳамидович АЗИМОВНИ 10 январь таваллуд топган куни билан муборакбод этамиз.

Ўзбекистон Республикаси ИИБ ППХ ва ЖТСББ раҳбарияти ва шахсий таркиби.

Ўзбекистон Республикаси ИИБ ППХ ва ЖТСББ раҳбарияти ва шахсий таркиби.

Қашқадарё вилояти ИИБ терговчиси, милиция катта лейтенанти Чори НОРМУМИНОВНИ туғилган куни билан кутлаймиз.

Ўзбекистон Республикаси ИИБ ППХ ва ЖТСББ раҳбарияти ва шахсий таркиби.

Ўзбекистон Республикаси ИИБ ППХ ва ЖТСББ раҳбарияти ва шахсий таркиби.

Хурматли Хусанбек Тўрабеков! Сизни 45 ёшингиз билан кутлаб, шарафли ишингизда ютуқлар тилаймиз.

МУНАЖЖИМЛАР БАШОРАТИ

Келгуси ҳафта учун

КўЙ (21 март - 20 апрель)
Кайфиятнинг жойида. Жилдий қарорлар қабул қилишнинг мумкин. Сафарлар ва музокаралар муваффақият келтиради.

«Фарзандларимиз биздан кўра кучли, билимли, доно ва албатта бахтли бўлишлари шарт!»

Ислом КАРИМОВ.

Нисосол

ЁШЛАР САҲИФАСИ

Акс-садо

КЕНЖАМИЗ НОШУД ЧИҚДИ

«Хурматли таҳририят!

«Постда» газетасининг 2003 йил 1 январь сонига «Нихол» ёшлар саҳифасини ўқиб, кўлимга қалам олдим. Аввало, газетангизда ушбу саҳифани ташкил қилиб, жуда тўғри қилгансизлар. Негаки, ёшлар келажагимиз пойдевориридир. Биз уларга қанчалик тўғри тарбия бера олсак мамлакатимиз салоҳияти шунчалик ошади.

Менинг уч болам бор. Икки нафари мўмин-қобил, одобли бўлиб камол топди. Ҳозир уйли-жойли, фарзандлари билан ширин турмуш кечирмоқда. Лекин кенжамиз ношуд чиқди. Ёмон болаларга қўшилиб, гиёҳвандлик моддаси истеъмол қиладиган бўлди. Саёқ юрсанг таёқ ейсан деганларидек, ёнидан наша чиқиб қамалиб кетди. Президентимизнинг инсонпарварлиги туфайли Амнистия эълон қилиниб, ўғлим яқиндагина қамокдан озод этилди. Тавбасига таяниб, қилган ишидан пушаймон. Лекин эски касали ҳуруж қилиб, яна ёмон йўлга кириб кетмасмикан, деб кўрқаман. Сизлар-

га мактуб йўллашимдан мақсад, ўғлимни ишга жойлаштириш масаласида қаерга мурожаат қилишим мумкин? Шу ҳақда маслаҳат берсангиз.

А. А.

Тошкент шахри».

Ушбу саволга жавоб беришни республика Меҳнат ва аҳолини ижтимоий муҳофаза қилиш вазирлиги бошқарма бошлиғи Ш. Тўраевдан илтимос қилдик.

— Бу фуқаро ўзи истиқомат қилаётган туман ҳокимлиги қошидаги меҳнат, аҳолини иш билан таъминлаш ва ижтимоий ҳимоя қилиш бўлимига мурожаат қилиши зарур. Ходимлар қобилиятига яраша иш топиб беришга ҳаракат қилишади. Унинг розилиги билан бирорта касб-хунар ўргатиш имконияти ҳам мавжуд. Жазони ижро этиш муассасаларидан Амнистия бўйича озод бўлганлар учун эса маълум имтиёзлар белгиланган. Юқоридаги бўлим йўлланмаси асосида бирор корхонага ишга юборилган бундай шахслар имкони борича иш билан таъминланадилар.

ТАРБИЯ ВА ИРОДАГА БОҒЛИҚ

«Постда» газетасининг шу йил 1-сонига чоп этилган «Ёшлар ва гиёҳвандлик» мақоласи биз таълим олаётган Жаҳон тиллари университетига талаба ёшлар ўртасида қизгин муҳокама қилинди. Курсдошларим ўзаро баҳслашиб турли фикрлар билдиришди. Қуйида улардан айримларини эътиборингизга ҳавола этмоқчиман.

Гулшан ЭРКАЕВА: — Гиёҳвандлик тузоғига илиниб қолган ёшлар кўпинча тўқлиқка шўхлик қилиб, билмасдан, ёрлиги орқасидан шу кўйга тушишганини айтишади. Менимча, бунга биринчи галда тарбиянинг бўшлиғи сабаб.

Элнора НИШОНОВА: — Сўнги пайтларда оммавий аҳборот воситаларида гиёҳванд-

ликнинг оқибатлари ҳақида турли чиқишлар бўляпти. Ёшларни аср вабосидан асрашда буларнинг ҳам самараси бўлади, албатта. Аммо кўп нарса инсоннинг иродасига боғлиқ.


Толиб НАЖМИДИНОВ: — Ҳозирги кунда одамлар бир-бирларига, атрофига бепарво бўлиб кетишяпти. Улар кўча-кўйда сўкинаётган, маст ҳолда

юрган ёшларни кўришса ҳам кўрмасликка олиб ўтиб кетаверишади. Атрофдагилар ёшларга насиҳат қилишса, маслаҳат беришса, уларнинг ота-онасини фарзандининг қилмишидан боҳабар этишса яхши бўларди.

Азиз ТИЛАВОВ: — Ислом динида маст қилувчи воситаларни истеъмол қилиш ҳаром ҳисобланади. Минг йиллардан буён авлоддан авлодга ўтиб келаётган гўзал урф-одатлар, фазилатларимиз бор. Булар хушмуомалалик, ичмаслик, чекмаслик, ўзаро ёрдам, меҳмондўстлик, сабрқаноатлилик кабилардир. Гиёҳвандлик, ичкиликбозлик каби иллатлар табиатимизга ёт. Уларни таг-томири билан сугуриб ташлаш керак.

Улуғрой ДОЛИЕВА.

Комилжонни отасини жуда севар ва келажакда етук инсон бўлишига ишонарди. Уларнинг бахтли ҳаёти отасининг вафотидан кейин тубдан ўзгариб кетди. Комилжон камгап бўлиб қолди. Онаси Махсума опа ўғли моддий қийналмаслиги учун қотибалиқдан ташқари фаррошлик ҳам қилар, бадавлат оилаларнинг хонадонларини супуриб-сидирар, кир-чирини юварди. Комилжон тенгдошларининг отасини кўрса кўнгли ўксирди. Шунда 11-синфда ўқийдиган Анвар унинг олдида келар, кўлини елкасига қўйиб тасалли берарди.



СўНГГИ ПУШАЙМОН

Бир куни у Комилжонни уйига таклиф қилди. Анвар Комилжоннинг олдида унга ўхшайдиган оқ кукунини қўйиб «Буни ҳидласанг сиқилиб юрмайдиган бўласан, кўрқма, ҳеч қандай зарари йўқ, катта йигит бўлиб қолгансан», деди. Комилжон кўрқоқ бўлиб кўринмаслик учун Анвардан

модданинг нималигини сўра-масдан ҳидлаб кўрди...

Уша куни у уйга кўтаринки кайфиятда қайтди. Буни ишдан кеч келган Махсума опа ҳам билди, лекин сабабини сўрамади. Комилжон қандай қилиб гиёҳвандликка ўрганиб қолганини сезмай қолди. Героиннинг таъсири кетганида у жуда асабий, сержаҳл бўлиб қолар, Анварга ялиниб-ёлвориб ёрдам сўрарди. Анварнинг «ёрдами» эса яна гиёҳвандлик моддаси беришдан иборат эди. Унинг гапига кириб Комилжон онаси тежаб тўплаган бор пулини Анварга обориб берарди. Аста-секин уйдан тилла тақинчоқлар, қимматбаҳо буюмлар йўқола бошлади. Шунда онаси Комилжонни роса

койиди, йиғлади. Лекин энди кеч бўлганди. Ўғли шу суҳбатдан сўнг эрталаб чиқиб кетиб қайтиб келмади. Бир ярим ой ичида Махсума опанинг қидирмаган жойи, сўрамаган одами қолмади, на еб-ичишида, на уйқусида ҳаловат бўлди. Бир куни эрталаб эшик кўнги роғи чалиниб милиция ходими кириб келди. У «Ўғлингиз бизнинг идорада, юринг» деб опани олиб кетди.

Она ўғлининг тириклигини эшитиб қувонди. Комилжон катта миқдорда героин моддасини сотаётганда қўлга олинган экан. Она ўғлини кўриб кучоқлаб олди. Комилжон доимо озода ва замонавий кийинар, ўзига оро берарди. Ҳозир эса кийимлари кир, гижимланган, лой, афт-ангори бир аҳволда, кўзлари ичига чўккан, нурсиз, инсонийлик қиёфасини йўқотган кимса турарди. У онасининг нима дейётганини билмас, кўзлари бир нуқтага тикилганча ўтирарди.

Она Комилжонни бағрига босиб турса-да, уни батамом йўқотганини тушунди. Онасининг бепарволиги, ўғлининг ўртоқлари ким, бўш вақтида нима билан шуғулланаётганига қизиқмаганлиги унга рухий мадад бўла олмагани туфайли бу фожиа юз берди. Маҳалла, мактаб, сизу бизнинг кўз олдимизда қобилиятли инсон бепарволигимиз туфайли шу аҳволга тушди. Меҳримизни, далда бўладиган ширин сўзимизни, тўғри дўстона маслаҳатимизни ҳеч кимдан аямайлик. Балки, шу дамда ҳам Комилжон сингари йўлдан адашган ҳақиқий дўстнинг маслаҳатига зор укалар, сингиллар, фарзандларимиз бордир. Ахир, бир болага етти маҳалла ота-она, деган нақл бор. Махсума опа Комилжон еб-ичиш, кийинишдан кам бўлмасин деб ишлаб ўғлининг тарбияси билан шуғулланмади. У инсон учун маънавий тарбия асосий эканини унутди. Энди бутун ҳаётини эслаб, қаерда хато қилганини англади. Афсуски, жуда кеч эди. Сўнги пушаймон эса...

Гулноза КАРИМОВА.



Тилак

«НИХОЛ»ГА РИВОЖ

Мен Наманган вилоятидаги ҳуқуқий газеталарда ишлайман. Шу жиҳатдан олганда фаолиятимизда «Постда» билан узвий боғланиш бор. Таҳририятимизнинг ҳар бир ходими газетани эътибор билан кузатиб боришади. Етмиш икки йиллик тарихга эга бўлган «Постда» халқимизнинг сеvimли нашрларидан бирига айланган. Унда осуда ҳаётимиз, юртимиз тинчлигини кўз қорачиғидай асраб келаётган орайишталик посбонларининг заҳматли меҳнати ҳақида эътиборли мақолалар чоп этиб келинмоқда. Шунингдек, унинг саҳифаларида жаҳонда юз бераётган энг сўнги янгиликлардан тортиб қонунчилик, жиноят ва жазо, машҳур кишилар ҳаётига оид мақолалар, ибратли ҳикоятлар, ҳажвия ва хандаларгача ўқиш мумкин.

Синчков ўқувчи таҳририят иждоқорлари ҳар дақиқа янгиликка интилиб яшаётганликларини ҳис этади. Янги йилдан мухлисларга «Нихол» номли яна бир янги саҳифа тўхфа этилгани бунинг далилидир. Унинг илк сонинёқ менга жуда манзур бўлди. Биз ҳам «Диёнат» газетасида «Балоғат бекати» саҳифасини ташкил этганмиз. У орқали воя-

га етмаганлар ҳаёти, улар тарбияси билан боғлиқ муаммолар мунтазам ёритиб келинмоқда. «Нихол»нинг ҳам бу борадаги одимларини табриклаш ва кўллаб-қувватлаш лозим. Чунки Президентимиз таъкидлаганларидек, фарзандларимиз биздан кўра кучли, билимли, доно ва албатта бахтли бўлишлари учун ёшлар ҳақида янада кўпроқ қайғуришимиз лозим. Шу маънода саҳифанинг «Нихол» деб номланишида ҳам рамзий маъно мужассам. Зеро, ниҳолнинг униб ўсиши, қутилганидек мева бериши боғбондан машаққатли меҳнат талаб этганидек, ёшларнинг комил инсон бўлиб улғайиши ота-оналар, устоз мураббийлар, қонун ва ҳуқуқ посбонлари, умуман, барчанинг биргаликдаги саъй-ҳаракатига боғлиқ. Ёшлар ҳаётини ёритиш, улар эришаётган ютуқлар, учраётган айрим муаммолар, вояга етмаганлар томонидан содир этилаётган ҳуқуқбузарликларнинг сабаб ва оқибатлари ҳақидаги мақолаларга кенг ўрин беришни ўз олдида мақсад қилиб қўйган «Нихол»га ривож тилайман.

Исроил ЮСУПОВ,

«Диёнат» ва «Ҳуқуқ оламида» газеталарининг махсус мухбири.

МУКОФОТЛИ КРОССВОРД

5000 СЎМ

Қуйидаги кроссворднинг жавобини тўғри топиб, тахририятга биринчи бўлиб жавоб йўллаган муштарийни 5000 сўм пул мукофоти кутмоқда! Ғолиб хатжилдларда кўрсатилган сана бўйича аниқланади.

«Қанот» → 1 Меъёр Сотувчи Транспорт → 2

Кўҳна Греция → Жонивор → Куй

4 3

Гўшт бўлаги → Чақирқ

Футболчи Сайёра → Муҳаммадали асари → Тўғрилиқ → Хорижий

Зина → ...ним → Сувоқ анжومي

5

Вилоят Авто-марка → Олим → Ҳамсанавис

Аниқлик → Сабзавот → Авто-марка → Кузатиш → Нога → Цирк мослашаси → Назмий асар → Аъзо → Тизма → Жиноятчи эмас

Кўл қисми → Украин адаби → Бағловчи

6

Авто-мутахассис → ...ас → Фан → Оқанг → Катта ўғил

7

Истиҳоло → Хоша → Рақам

Игна баргли → Африка юрти

Фурсат → Кичик

Қуш → Турт-бурчак → Қўшиқ → Томон → Кўрсатиш олмаси → ...тин → 8

Тосқари → Бўй → Рақбар → Ўтда ёнимас → Пул бирлиги → Бадан → Вилоят шахри

Дадил → Ёш от → Қурилма → Ҳарбий қисм → ...та (деңгиз) → Чирай → Падар → Асар

Спорт → Ўзбек рассоми → Вақт улчови → Ит зоти → Арафот → Корхона → Дарё → Довул → Мослашув

9

Тўқай ўсимлиги → Шифо гиёҳи → Шоҳмат донаси → Америка юрти → ...баб → Ҳул

10

Техника экинн → 11

5 6 5 8 2 9 6 3 8 3 1 — 5 10 7 3 10 11 4 8 4 10 3 1 •

Ф. ОРИПОВ тузди

ҒАЗЕТАМИЗНИНГ ЎТГАН СЕНИДА ЧОП ЭТИЛГАН СКАНВОРДНИНГ ЖАВОБЛАРИ:

Беруний. Антрацит. Теннис. Стабилизатор. Нитробензал. Товуқ. Ора. Руқия. Оратория. Тўстовуқ. Ория. Қия. Баобаб. Увайсий. Ноғора. Штурвал. Эллада. Авж. "Аида". "Бозиргон". Айний. Курей. Савалаш. Уран. Надомат. "Иж". Лозанна. Изн. Кар. Республика. Йод. Дакар. Зор. Ми. Ал. Далв. Сер. Тромб. Ранда. Онг. Садо. Ромб. Умар Лаҳм. Адо. Ор. Даража. Гули. Аму. Мандарин. Тилшунослик. Ҳал. Ат. Болта. Магнат. Карл. Ван. Ада. Лавлаги. Ҳажв. Вал. "Нола". Ганг. Дала. Дума. Нав. Драма. Атакама. Ой. Фаним. Кал. Каспий. Олабуға. Она. Зарра. Бригадир. Той. "Ан". Наҳанг. Хитой. Кама. Норин. Ис. Камар. Фильм. Жом. Олам. Африка. Илм. Можайский. "Келиной".

Калит сўзлар: Адолат бор жойда — садоқат бор.

1

2 Қуш Адад Фаҳм Миллат Нота Кимё ўғити Юнон ҳарфи Олов Қоғоз ашёси Физик асбоб

3 Иззат Кам Нота Вагон бўлмаси 4 Автопойга

5 Туман ...фар Тарз Безак Туман Тарз Безак Улжа Кўмир ашёси 6 Дарё Жануб дарахти

7 Зоти Жоиз Ўсимлик

8 Транспорт 9 Ҳинд либоси «Фазогир» Афсона қуш Нота Бардош Қаллиқ Иштиёқ

10 Ҳузур Майда тош ...қон Қалб Мева Ҳордиқ Юз йил Дарё


11 Африка халқи Жануб ҳайвони Учар техника Ингичка ёғоч Тарҳ Шеърят Буй Тигли асбоб Мебель

12 Фарҳод ...Ширин Спирт тури Кўча қисми Вақт улчови Ҳайвон Дарахт Аъзо

13 Футбол жамоаси Зурриёт Ғалла Покиза Шифохона Нави Фасл

14 Фасл Сайёра Навоий Газлама От Бирик-тириш Африка давлати Гина

3 2 9 12 13 2 11 10 2 10 2 6 12 — 12 9 2 5 14 7 4 14 8 9 14 1



ГАЗЕТАМИЗНИНГ ЎТГАН СЕНИДА ЧОП ЭТИЛГАН ТОПШИРИКЛИ СКАНВОРДНИНГ ЖАВОБЛАРИ:

Азамат, Сандиқ, Тадбир, Исирик, Машрик, Италия, Йўлдош, Гвинея, Сувсар, Семурғ, Гавҳар, Дурбин, Нокаут, "Рустам", Каучук, Тулпор, Ёзувчи, Мағриб, Калава, Орипов, Мактаб, Посбон, Қомета, Доллар, Кенгаш, Лочира, Мақсад, Саҳифа.

Айланаларда: Андишали суҳбат улуглик белгиси.

Бу йил ҳам кўплаб юртдошларимиз муборак ҳаж сафарига отланишяпти. Биргина Тошкент шаҳрида



улар сони 600 нафардан ортиқ. Шу кунларда зиёратчиларнинг тегишли ҳужжатларини расмийлаштириш қизгин кетяпти.

Пойтахтимиздаги ҳар бир туман ИИБда бу иш билан шуғулланиш учун биттадан ходим ажратилган. Шаҳар ИИББ ХЧК ва ФБда эса бўла-

жак ҳожиларга икки нафар ходим хизмат кўрсатяпти. Улар «Ҳаж – 2003» ишчи гуруҳи аъзолари билан яқин ҳамкорликда фаолият кўрса-

САФАРИНГИЗ БЕХАТАР БЎЛСИН!

тишмоқда. Натижада ортиқча оворагарчиликларнинг олди олинапти.

Бултургидан фаркли ўларок, бу йил зиёратчиларнинг фуқаролик паспортларига чет элга чиқиш учун рухсат ёзувининг ёпиштириладиган стикери қўйилапти. Стикernинг афзаллиги шундаки, унинг рақами, ҳимоя белгилари бор, қалбакилаштириб бўлмайди.

Ҳаж сафарига отланганлар 22-29 январь оралиғида Саудия Арабистонига жўнатилади. Ўтган йилдаги каби бу йил ҳам улар Новза масжидида тўпланишади ва ЙПХ ходимлари ҳамроҳлиги-

да, автобуслар колоннасида уюшган ҳолда Тошкент аэропортига кузатиб қўйилади.

Юртдошларимиз орасида якка тартибда ёки бошқа мамлакатлар орқали ҳаж сафарига жўновчилар ҳам учраб туради. Уларга бунинг мушкулотларини эслатиб ўтишни лозим топамиз. Киши иссиқ жон. Сафар чоғида тоби қочиши, хасталикка чалиниши, қувватсизланиши, бошқа бирор кўнгилсизликларга дуч келиши бор. Ҳаж пайтида Саудия Арабистонидан меҳмонхонадан жой топишда ҳам мушкулотлар тугилиши мумкин. Ҳукумати- миз уюшган ҳолда ҳажга ке-

таётган ҳамюртларимизни меҳмонхонага жойлаштириш, уларнинг соғлигини, хавфсизлигини муҳофаза қилиш масалаларини олдиндан ҳал этиб қўйган. Ҳатто қачон, қайси рейслар билан мамлакатимизга қайтишлари ҳам олдиндан аниқ.

Яна бир янгилик, бу йил Фарғона водийсидан ҳажга борувчилар Наманган аэропортидан жўнатилади. Бу ҳам фуқаролар учун бир қулайлик, албатта.

Бўлажак ҳожиларимизнинг сафарлари беҳатар, ҳажлари қабул бўлишини Яратгандан сўраб қоламиз.

ХУРШИД.

Хизматларда

Хоразм вилояти ИИБ ЙХХБ туманлараро рўйхатлаш ва имтиҳон олиш бўлинмасида аҳоли талаби инобатга олинди, қатор ибратли ишлар амалга оширилмоқда. Бу ерда йўл ҳаракати қондалари бўйича билим олган барча фуқаролар замонавий асбоб-ускуналар билан жиҳозланган кенг ва ёруғ хоналарда синовдан ўтказилаяпти.

АҲОЛИ МАМНУН



Бўлинма қошида «Пахта банк»нинг бўлими очилган бўлиб, ташриф буюраётганлар тўловларни шу ернинг ўзида амалга оширишмоқда. Бундан ташқари барча ҳужжатлар компьютер ёрдамида тайёрланяпти. Аҳоли қулайликдан мамнун.

– Биз Богот, Ҳазорасп туманлари ҳамда Питнак шаҳри аҳолисига хизмат қиламиз, – дейди бўлинма бошлиғи, милиция капитани Тозабой Якубов. – Ҳозиргача 2500 тага яқин транспорт воситалари рўйхатга олинди. Автомобилларни синчковлик билан текшириш давомида 3 та транспорт воситаси ўғирлаб сотилганлиги аниқланди. Ушбу ҳолатлар бўйича тузилган ҳужжатлар ички ишлар бошқармасига топширилди.

Вилоят ИИБ ЙХХБ томонидан ўтказилаётган барча тадбирларда шахсий таркиб фаол иштирок этмоқда. Текширувлар давомида ҳужжатсиз турли русумдаги мотоцикллар ҳам аниқланяпти. Ана шундай транспорт воситасидан 52 таси аниқланди.

Х. ЖАБОРОВ.



Суратларда: бўлинма бошлиғи, милиция капитани Тозабой Якубов фуқаро билан суҳбатлашмоқда. Бўлинма компьютерчиси Ботир Оллаберганов хизмат пайтида.

Жумабой ҚОЗОҚ олган суратлар.

ХИЗМАТИДАН ОБРЎ ТОПДИ

Галина Михайловна асли Бошқирдистоннинг Янаул шаҳрида туғилиб ўсган. Турмуш ўртоғи Евгений Корчагин 1968 йилда Қарши чўлига механик бўлиб ишга келди. Табиийки, Галина ҳам эри билан бирга йўлга отланди.



Вилоятнинг энг чекка худуди ҳисобланган Таллимаржон шаҳрига кўчиб келишгач, илгари Янаул шаҳар ИИБда хизмат қилган Галина Михайловна аввал шу ерда, кейин эса Нишон тумани ИИБ паспорт бўлими бошлиғи вазифасида ишлаб боради. Бу орада Қарши Давлат педагогика институтининг рус тили ва адабиёти факультетини сиртдан ўқиб тугатди. 1986 йилда Қарши шаҳар ИИБ паспорт бўлинмасига бошлиқ вазифасига хизматга ўтди. Галина Михайловна бутун фаолияти давомида устозларидан иш ўрганди. Уларнинг тажрибасига таяниб, ҳалол меҳнат қилди. Айниқса, устози (мархум) милиция подполковниги Александра Якимов унинг энг сеvimли маслакдоши эди.

Г. Корчагина Калининград, Тошкент шаҳарларидаги милиция махсус мактабларида ўқиб, ўз соҳаси бўйича билими, тажрибасини оширди. Галина Михайловна ўзининг 26 йиллик хизмати давомида жамоат ишларида ҳам фаол иштирок этди.

У 1992 йилдан пенсияда самарали меҳнат нашидасини сурмоқда. Мароқли дам олиш, фарзандлари ва набиралари куршовида яйраб яшаш бахти насиб этганидан мамнун. Ўғиллари Павел — муҳандис, Александр — ҳайдовчи, қизи Татьяна тарбиячи. Тўрт нафар бири-биридан ширин, жажжи набиралари онахоннинг жони-дили. Улар даврасида бирон дақиқа бўлсин зеркиш, чарчаш нималигини билмайди. Истеъфодаги милиция майори Г. Корчагина ҳозирда ҳам тиниб-тинчимади. У ўзи яшайдиган маҳалланинг энг фаол аёлларидан бири.

Соҳибжамол АМИНОВА.



Асли касби руҳшунос бўлган Татьяна Зоммернинг қалбида жониворларга нисбатан меҳр уйғонгани уни Самарқанд вилояти ИИБ ППХ ва ЖТСБ кинология хизматида етаклаб келди. У ҳозирда наслчилик марказида ишламоқда. Зотли итлардан соғлом насл олиш ва уларни тўғри тарбиялаш, хизматга тайёрлаш Татьянанинг зиммасида.

Суратда: кинолог-йўриқчи, милиция сафдори Татьяна Зоммер зотли туркман овчаркаси — «Макс» билан.

Ўз мухбиримиз.

ҚИСКА САТРАЛДАРДА

Ҳозирда «оқ мой» — пахта ёғи деб юритиладиган маҳсулотнинг бозори чаққон. Бунинг тушуниб етган шўрчилик Чори қўлбола мойжувоз ясаб олди-да, ишга туширди. Мой чиқаверди, мижоз келаверди, чўнтакка пул ҳам тушаверди. Туман ИИБ уюшган жиноятчи-

ликка қарши курашиш бўлинмаси ходимлари унинг ҳовлисида далилий ашё сифатида 40 литр пахта мойи ва 26 қоп чигит олишди.

Деновлик Р. Фахриддин «Жўжа кабоб» ошхонасига кириб қорнини тўйғазди. Кейин овқат пулини

тўлади. «Хўш, нима бўлибди, ўзини ҳурмат қилган одам албатта ҳисоб-китоб қилади-да» десангиз сиз мутлақо ҳақсиз.

Аммо Фахриддин арзимаган таом учун нақд 200 АҚШ доллари чиқариб берди. Ошхона хизматчилари «сахий» мижозга шубҳа билан қарашди.

Улар кутганидек, Фахриддиннинг валютаси қалбаки бўлиб чиқди.

Шерободлик Қ. Иброҳим ярим асрлик умрини меҳнат қилиб ўтказди. Аммо ўтган йил бошидан то шу кунгача ўзи ишлаётган идоранинг 383.900 сўмини ўзлаштириб

юборди. Қилни қирқ ёра-диган ҳуқуқ-тартибот ходимларининг «изланиш»ларидан сўнг Иброҳимнинг қилмиши юзага «қалқиб чиқди». Энди эса жавобгарлиги борлигини англаб, қилмишидан пушаймон бўлиб турибди.

С. НОРМУРОДОВ,
милиция майори.

ГАЛВИР СУВДАН КЎТАРИЛДИ

Тошкент шахридаги ҳуқуқни муҳофаза қилиш идоралари динамочи жисмоний тарбия жамоалари ўртасида ўтказилган анъанавий ўн биринчи спартакиада якунланди.

900 нафарга яқин иштирокчилар спортнинг етти тури бўйича мусобақалашди. Спартакиада дастурига бинан жанговар куролдан отиш, бешкураш, енгил атлетика, қўл жанги, кураш, самбо, футбол ва волейбол беллашувлари ўтказилди. Ўзбекистон Республикаси ИИБ Академияси вакиллари спортнинг барча турлари бўйича муваффақиятга эришиб, умумжамоа ҳисобида биринчи ўринни эгалладилар. МХХ спортчиларига иккинчи ўрин-насиб этди. ИИБ Ички кўшинлар Бош бошқармаси жамоаси эса биринчи марта учинчи ўринни олдилар. Пойтахт милициясининг спортчиларига тўртинчи ўрин берилди. ИИБ Ёнгин хавфсизлиги олий техник мактаби ва Ўзбекистон Республикаси Ички ишлар вазирлигининг жамоалари ҳам яхши натижаларга эришишди.

Ўз мухбиримиз.


Опа-сингил Хуршида, Сурайё ва Сайёра Бекмановалар Урганч шахридаги "Гулчилар" маҳалласида истиқомат қилишади. Хуршида 6, Сурайё эса 3-синфда таҳсил олади. Сайёра болалар боғчаси тарбияланувчиси. Улар маҳалланинг машҳур қизлари. Берилаётган бундай таъриф бежиз эмас, албатта. Чунки Хуршида яқинда "Маҳалла паҳлавонлари" республика мусобақасида иштирок этиб, фахрли учинчи ўринни қўлга киритди ва бронза медалига сазовор бўлди.

ШОКИРЖОННИНГ ГОЛИБ ҚИЗЛАРИ

Сурайё шу турдаги вилоят мусобақасида мутлақ голиб деб тан олинди. Жажжи Сайёра эса гимнастика бўйича вилоят баҳсида қатнашиб, ўзининг нафис ҳаракатлари билан барчани қўйил қолдирди.

– Отам Рустам Бекманов

ҳамда укам Тоҳиржон бокс билан шуғулланишади, спорт усталари, – дейди вилоят ИИБ навбатчилик қисми бошлигининг ёрамчиси, милиция майори Шокиржон Бекманов. – Шу сабабдан бўлса керак, қизларимнинг ҳам спортга қизиқиши ортди. Турмуш ўртоғим билан маслаҳатлашиб, уларни Альфия Вазирова ҳамда Бахтиёр Фоипов мураббийлик қилаётган дзюдо тўғарага олиб бордим. Мураббийларнинг саъй-ҳаракатлари тўғрисида қўраш бўйича нуфузли мусобақаларда қатнаша бошлашди. Ҳатто голиб ҳам чиқишяпти. Бундан ниҳоятда хурсандмиз.



Суратда: Хоразм вилояти ИИБ навбатчилик қисми бошлигининг ёрамчиси, милиция майори Шокиржон Бекманов қизлари Хуршида, Сурайё ҳамда Сайёралар билан.

Ж. ҚОЗОҚ олган сурат.

Х. ЖАББОРОВ.

ЁШ ТАЭКВОНДОЧИЛАР БЕЛЛАШУВИ

Наманган шахрида таэквондо бўйича ўсмирлар ўртасида ўтказилган республика кубоги мусобақаларида Тошкент шахри ва вилоятлардан жамоалар иштирок этишди.



Суратда: вилоят ёш таэквондочиларига мукофотлар топшириляпти.

Беллашувларда Тошкент вилояти ИИБ вакиллари ҳам ўз маҳоратларини синаб кўришди. Улар умумжамоа ҳисобида фахрли иккинчи ўринни эгалладилар. Спортчилардан Р. Абдуллаев, Ж. Талманов, Ж. Ҳайдаров, С. Анорбоев, Д. Машарипова, А. Болгаева, З. Камолова, Х. Рўзматова, О. Карелиналар эришилган галабага муносиб ҳисса қўшишди.

Р. ПИРМАТОВ.

ШИФРОГРАММАЛИ БОШҚОТИРМА

Мухтарам муштарийлар! Ушбу бошқотирмани ҳал қилиш учун магнолари куйидаги матнда таърифлаб берилган 7 ҳарfli сўзларни топиб, уларни шаклнинг сектор (бўлим)ларига тартиб рақамлари куйилган хоналардан бошлаб марказдаги юлдуз томонга қарата ёзиб чиқиш керак.


1. М. Т. Калашников ихтироси. 2. Ҳарбий санъатнинг таркибий қисми. 3. Гуллар "маликаси". 4. Погонларида саккизта юлдузча тақилган офицер. 5. Электромагнит тўлқинларини тарқатувчи ёки қабул қилувчи қурилма. 6. Ўзбекистон халқ рассоми, деворий расмлар устаси. 7. Ҳарбий кўшилма. 8. Кундалик тажриба. 9. Курол-яроғ, жанговар техника синаладиган ҳамда қўшинларнинг ўқув машқлари ўтказиладиган жой. 10. Халқимиз орасида тарқалган нақллардан: "... олти кун, қаҳр айласа қаттиқ кун". 11. "Тоҳир ва Зухра", "Алишер Навоий" фильмларида асосий ролларни ўйнаган республика халқ артисти. 12. Силлиқ стволли артиллерия қуролидан бири. 13. Қадимги Жайхуннинг ҳозирги номи. 14. Ер, ҳаво ва сувдаги нишонларни шикастлаш учун ишлатиладиган тезотар автоматик қурол. 15. Шаҳрисабздаги қадимий мейморчилик ёдгорлиги (уни XIV асрда буюк бобокалонимиз Амир Темур барпо эттирган). 16. Ҳарбий қисмининг шахсий таркибини жойлаштиришга мўлжалланган бино. 17. Чотқол тизмасининг сувайриғич қисмидаги довон. 18. Арабча "амирулбаҳр" (денгиз ҳукмдори) сўзидан олиб аталган ҳарбий унвон. 19. Артиллерия қисмларининг иккитадан тўрттагача ёки ундан кўпроқ тўплардан иборат биринчи ўт очувчи ва тактик бўлинмаси. 20. Фарғона, Андижон вилоятларида ва Бўстонлиқ туманида ўстириладиган ўрик нави. 21. "Маҳаллада дув-дув гап", "Сен етим эмассан", "Тошкент – нон шахри", "Абу Райҳон Беруний" каби қатор фильмларни яратган таниқли ўзбек кинорежиссёри. 22. Жанговар ҳаракат турларидан бири. 23. Зирҳли, кучли қуролантирилган тезюрар ҳарбий кема. 24. Қизилқум чўлидаги кон саноати корхоналари бор шахар.

Агар жавоб сўзлар тўғри топилган бўлса, шаклнинг қуёқ чизиқлар орасидаги иккинчи ҳалқасида халқимизнинг онаюртини кўз қорачиғидек асрашга оид доно ҳикматларидан бирини ўқийсиз.

Сўнгра бошқотирма жавобларининг биттадан ҳарфини олиб, шифрограммадаги қўшалок сонлар остига ёзиб чиқсангиз, у ерда таниқли ҳарбий арбоб, Ўзбекистон Республикаси ИИБ Ички қўшинларига 20 йилдан ортиқ қўмондонлик қилган генерал-лейтенантнинг табаррук номи аён бўлади.

ЎСЛАТМА: қўшалок сонларнинг чапдагиси жавоб сўзларнинг тартиб рақамини, ундагиси – шу сўзнинг нечанчи ҳарфини олиб ёзиш кераклигини билдиради.

Тузувчи Ҳамидулла АБДУЛЛАЕВ.



ЎТган сондаги «Байрам чайнкроссворди»нинг жавоблари:

1. Жияк. 2. Кеча. 3. Артист. 4. Тарвуз. 5. Зирак. 6. Курак. 7. Киприк. 8. Кино. 9. Оила. 10. Агата. 11. Ананас. 12. Совға. 13. Атос. 14. Сафо. 15. Орқа. 16. Арча. 17. Аср. 18. Радио. 19. Оҳак. 20. Костюм. 21. Малак. 22. Куб. 23. Брамс. 24. Супра. 25. Астар. 26. Рица. 27. Арфа. 28. Айиқ. 29. Қайин. 30. Нетто. 31. Океан. 32. Нафосат. 33. Торт. 34. Табла. 35. Автобус. 36. Соат. 37. Тир. 38. Рулетка. 39. Ада. 40. Амаки. 41. Илгак. 42. Кросс. 43. Сўм. 44. Мих. 45. Халқ. 46. Қанд. 47. Дераза. 48. Армия. 49. Ямал. 50. Латифа. 51. Анзоб. 52. Байрам. 53. Мулк. 54. Касса. 55. Ақл. 56. Лион. 57. Нил. 58. Пакмус. 59. Сундар. 60. Роҳат. 61. Тилак. 62. Кама. 63. Ака. 64. Арнем.

Доирачали хоналардаги тилак сўзлари: Янги йилда юртимизда тинчлик, кут-барака ва фаровонлик бўлсин!

O'ZBEKISTON RESPUBLIKASI IIV BIRLASHGAN TAHRIRIYATI

MANZILIMIZ: 700029, Toshkent, Yunus Rajabiy ko'chasi, 1

Gazeta haftaning payshanba kunlari chiqadi.

Bosh muharrir Shuhrat MURODOV

Bosh muharrir o'rinbosari v.b. Murod TILLAYEV

Mas'ul kotib R. BERDIYEV Navbatchi: S. SHAMSIDDINOV Musahhihlar: M. AKRAMOVA G. XOLIQOVA

Sahifalovchi: Z. BOLTAYEV

TELEFONLAR: Bosh muharrir o'rinbosari 139-75-69.

Kotibiyat 139-73-88

muxbirlar bo'limi 139-75-69.

Buxgalter 139-75-37.

Faks 54-37-91.

Gazeta tarqatish masalalari bo'yicha murojaat uchun faks: 54-37-91 Tel.: 59-23-08

E-mail: urmvd@globalnet.uz

Bizning hisob raqamlarimiz «Ipak yo'li» aksiyadorlik investitsiyaviy tijorat bankinging Mirzo Ulug'bek bo'limi. Hisob raqami: 2021000700447980001, MFO 00421.

• Ko'chirib bosishda «Postda»dan ekanligini ko'rsatish shart
• Muallifning mulohazasi tahririyat fikriga mos tushmasligi mumkin.
• Qo'lyozmalar tahlil qilinmaydi va qaytarilmaydi.

Gazeta O'zbekiston Respublikasi Davlat matbuot qo'mitasida 00007 raqam bilan ro'yxatga olingan Buyurtma Г — 41. Hajmi — 4 bosma taboq. Bosilish — ofset usulida.

Bosishga topshirish vaqti — 19.00. Bosishga topshirildi — 19.00.

Obuna raqamlari: Yakka tartibda — 180 Tashkilotlar uchun — 366

41864 nusxada chop etildi.

«SHARQ» nashriyot-matbaa aksiyadorlik kompaniyasi bosmaxonasida chop etildi.

Korxonalar manzili: Buyuk Turon ko'chasi 41-uy.

1, 2, 3, 4, 5, 6.